

SANITATIS SEMITA.

AVTHORE

IOANNE MAKLVIREO, M. D.

CVM TRACTATV DE FEBRE

PESTILENTE PRÆFIXO.



EDINBVRGI

Excudebat Iohannes Wreistoun, 1630.

58...359

ILLVSTRISSIMIS

AC NOBILISSIMIS D. D.

CANCELLARIO.

D. Praesid. alijsq; D. Senatus, utriusq;
Consiliariis, Regni moderatori-
bus aequissimis, S. *

IN humana corporis fabrica summus ille opi-
fex. P. C. mirabilem potentiam, incredibi-
lem sapientiam, infinitam bonitatem aperte de-
claravit: potentiam in prima formatione, sapientiam
in structura, bonitatem in usu, actione, & consensu
partiū: Ex nihilo enim fere guttulis scilicet aliquos
seminis, & sanguinis, tam diversi generis particu-
las, ossa cartilagineas, vincula, membranas, vil-
los, venas, arterias, nervos, carnes potentia for-
mavit; tum mirabili artificio sapienter disposu-
it, figuram, situm, magnitudinem, numerum,
structuram, substantiam ut cuiq; conveniebat
tribuens, ossibus seu columnis totius corporis
molem sustentans, cartilaginibus ferè omnes in-
crustans, vinculis omnia nectens, membranis sines-
gula vestiens, nervis, cum funiculis membrorum de-
validissimas moles trahens, venis tanquam rivis
universum corpus irrigans arteriis velut tubis &
aque ductibus singulas partes spumante sanguine &
vitali perfundens spiritu, carnibus spatia vacua
explens, omniaq; colligans. Tum nudum in lucem

editum tribus armavit praesidiis, quae ceteris animantibus denegavit, ratione scilicet ad inventionem, sermone ad auxilium, manibus ad perfectionem; ratio manus est intellectus, rationis oratio, orationis; manus. Manus jussa faciunt, jussa obediunt rationi, ratio vis intellectus est, cum talem, tantumque, fecerit hominem summus omnium Creator salutis tam excellentis, ac prope divinae creaturae omnes omni curam providere tenemur, praesertim illi quibus hoc ex officio incumbit, hisce ego inductus opusculum hoc edidi, nihil aliud ambiens, quam ut in patriam pietas omnibusque gratificandi studium singulare fidissime declaratur. Hoc in vestro numine P. C. divulgandum putavi: Est enim mihi hoc de vestra prudentia persuasissimum, vos litterarum monumenta, & Musarum praecordia pluris facere, quam incisa notis marmora publicis. Interea vestra consilia, actiones, & deliberationes, quas singulari prudentia, cura, ac contentione, pro pietatis conservatione, cultura studiorum, & civium salute, suscipitis, ac sustinetis; à DEO Opt. Max. benigne fortunari, atque universos, salvos, & florentes vivere, & valere ex animo opto.

AD LIBRVM.

Iberior si quis Censor te raserit ungues,
Grates inflexo poplite letus age.
Sin quis amicus erit, qui plus laudaverit equo,
Dic quod nullius laudis amore tumes.

Io. Alakluircus.



SANITATIS SEMITA.

AVTHORE

IOANNE MAKLVIREO. D. M.

*cum tractatu de febre pesti-
lente præfixo.*



Utationes temporum morbos gignunt, ut ait *Hipp.* Nam qualis aer, talis spiritus: quales spiritus, tales humores, & humores quales, tales partes solidæ: Aer autem est purus vel impurus, & contagiosus: & quemadmodum purus aer salutem confert, ita impurus morbos perniciosos generat, ut lippitudines, tussis, raudines, anginas, gravedines, variaque ac perniciose febrium genera, præsertim vero illa, in quibus maculosa cutis apparet, cum totius corporis sudore, à quo febrium genere plurimi mortales periti sunt.

Cum

Cum verò morborum omnium febres hæc sint maxime læthales, de earum natura, causis ac signis nonnulla subtexemus.

Ex morbis, qui humano generi contingunt, aliqui sunt communes, seu populares, aliter à Græcis *επιδημιος* dicti: alii singulorum hominum proprii, quos Græci *σπαραδίνος*, sparfos vel seminatos vocant: popularium morborum quidam sunt civitati alicui peculiare, hoc genus morbi *επιδημιος* Græci vocant: alii sine discrimine cunctas regiones peragrant, qui nomine generis *επιδημιος* appellantur: rursus isti Epidemii, si mortales jugulant pestiferi dicantur, atque hæc pestilentia, & pestilens febris vocatur.

Nonnunquam pestilens febris sine pestilentia reperitur, ut docet *Gal.* in 3. de prælag. ex pulsibus, & 3. de morb. popularibus sect. 3. Hæc autem interest iudicio nostro, inter pestilentiam & pestilentem febrem, quod illa plures, enecat, magisque contagiosa est, & in inguinibus, aut sub axillis fit semper, nonnunquam post aures carbunculi exoriuntur: in hac verò, in toto corpore, sed maxime in dorso pustulæ quædam erumpunt, quæ in genere exanthemata vocantur, sive etiam maculæ pulicum punctionibus similes: interdum verò, & sine his pestifera febris exoritur, quæ per alia Symptomata paulo post referenda dignoscitur: hæc morborum distinctio desumitur ex *Hipp.* & *Gal.* in primo
de

de ratione victus sententia nona, in 2. de locis, aere & aqua, in 3. de Epid. sect. 3. senten. 20. & 28.

Febrium pestilentialium causa, alia externa, alia interna: interna & proxima causa est humoris agitatio quæ eos excitat, & de potentia in actum reducit. Nam natura humores suis locis quiescentes facilius regit, quam agitados & extra suos limites digressos: externa causa pestilentis febris, ut plurimum est aer: aerem non hic purum & elementarem intelligere oportet: Nam vix putredinem admittit, sed mixtum ex vero aere & partibus aqueis vaporosis, & terreis fumosis, & igneis.

Aer autem mixtus vel proprio & innato, vel alieno & adventitio vitio est contagiosus, proprio vitio, præsertim cum intemperie calida humida tenetur.

Hoc *Gal.* admonuit cap. 4. de temperamentis, dum ait calidam Cœli constitutionem pestifimam esse, & pestilentem: Item 1. de differentiis febrium hoc nobis insinuavit, dum docet methodum, qua corpora à pestilente febre tutâ redderemus.

Idem docet in morbis vulgaribus constitutionem scilicet calidam, humidam, morbos ex putredine creare, & in 1. Epid. sect. 1.

Adventitio autem contaminari docet, 11. Meth. cap. 5. inquit, perspicuum verò est, & aeris
sul

Substantiæ, quæ per anhelitum ducitur curam esse habendam, ut nimirum sit optimè temperata, & à quolibet ipsam inquinatæ, quam mundissimæ; neque ex metallis, nec fornacibus, aut profundis canitatibus aliquam mixtionem suscipiens, neque ex leguminum aut olerum animaliumve, aut alius cujuscunque rei putredine, neque halitus ex stagnis aut paludibus aut fluxuibus admittens: Hoc idem *Avicenna* sen. 3. 1. canon inquit. *Ætius* autem lib. 5. cap. 94. docet signa, si aeris vitio vel aliunde contingat: si inquit aeris vitio hi morbi proveniunt, primum aves hoc malo afficiuntur; sin vero ob terrarum exhalationem, quadrupedum erit prima calamitas: *Arist.* 1. probl. ait gravem morbosumque annum fore, cum copia ranarum processerit, nam pluviam humidamque tempestatem denotat.

Possunt etiam vitiosæ aquæ pestilentiam causare, id in exercitiis frequenter accidisse historiæ prodidere: tum etiam cibus, & alimentum impurum malos humores in corpore procreant, ac ita putredini obnoxia faciunt.

Præterea autem occultos influxus hos morbos causare, non videntur *Hipp.* *Galen.* ac *Arist.* concedere, sed tantummodo aerem hunc à Cælo per lumen & motum, ad frigidum, calidum, humidum, & siccum immutari: Atque hisce primis qualitatibus intervenientibus reliquos deinde omnes effectus produci: Ad *Hipp.* multis

ris quidem in locis hoc haberi potest, sed præcipue in lib. de aere, locis, & aquis: ab *Arist.* lib. 2. de Cælo, & 1. sect. probl. 11. *Galen.* vero omnibus in locis, vbi de aeris immutatione aut corruptione, non ratione exhalationum loquitur, sed semper primarum qualitatum vitio evenire contendit, nullam qualitatem occultam in ipso merito steiatarum agnoscens, ut omnibus patere potest, ejus explanationes legentibus, in *Aphr.* in lib. de natura humana, & in lib. de morbis popul. Ostenditque *Hipp.* nihil aliud significare per divinum, quam ambientis nos aeris constitutionem. Verum tamen cum *Avicenna*, & peritissimi Astrologi hos astrorum influxus concesserint, non omnino videntur rejiciendi.

Febris pestilentis materia est vel spiritus, vel humores, spiritus ob siccitatem vix corrumpuntur, cum referant naturam ignis, qui humiditatem omnem putredinis materiam absorbit, aliquam tamen contagionem in principio assumunt, sed statim cum humoribus communicant, si a solis spiritibus infectis tantum esset, citius necaret, ac in excrementa tanta non solveretur, sed cum sudore tantum, ut alix ephemeræ.

Humores sunt vel bilis, vel melancholia adusta: bil'em designant sitis inexhausta, bil'is vomitus, lingua arida, incendium maximum circa regionem cordis, & ventriculi, tum delirium, cum

excrementis biliosis.

Melancholiam demonstrant tum causæ generantes, vt maior, pavor, præsertim tempore belli, tum ratio victus impura, in annonæ caritate, quo tempore coguntur homines vesci radicibus, fabis, leguminibus, aliisque id genus Melancholiam procreantibus: Hinc vulgare illud *μετα λυμους λυμους*, hisce adde signa concomitantia, vt Melancholiam cum studio, stigmata nigra vndique erumpentia, cordis palpitationem, tum carbunculum, qui cum pruritu, rubore, ardore vehementi oritur, quo sensim crescente, pars vritur crustosumque vlcus, quasi candente ferro inducitur, crassum, retoridumque sanguinem ostendens.

Notæ pestilentis febris inveniuntur apud *Galenum*, in tertio de prælag. ex pulsibus, & sexto de morbis popul. sect. 1 sentent. 3. & apud *Ætium*, lib. 5, cap. 92, & *Ægenetam*, lib. 2. pp. 35. & apud *Avicen.* fen. 41. tract. 4. pp. 1. quæ variantur pro varia corporis humorumque constitutione, ita vt vix videas duos eadem contagione inquinatos, similibus premi, symptomatis. Quosdam cruciat capitis dolorum conjuncta gravitate, & in somnum proensione: alios vero vigiliæ molestæ, bilis vomitûs, frequens iactatio, delirium; alii, nec siti ehemente, nec inappetentia, nec magno incendio teneri videntur, ita ægri sine sensu doloris inopinatum discedunt, adeo vt à principio ob
sui

fui levitatem clarissimis medicis febres hæ imposuerint: hosce sitis inexhausta premit cum inappetentia, tum algore externo, & ardore interno; cum febre ardente: Hisce pustulæ erumpunt, & exanthemata, aliis carbunculi, & bubones, pulsus quibusdam frequens ac vehemens, nonnullis imbecillis, ac languidus, lingua ut plurimum arefacta, anhelitus tetri odoris, & intra os intuentibus, modo color erysipelatis modo herpetis apparet, urinx aliæ turbulentiæ, & lividæ redduntur, atque hæ sæpius, aliæ vero plusquam natura postulat, aquosiores, dilutioresque sunt, aliorum, sed rarius exquisire naturalibus similes sunt; colore & crassitudine; interdum valde biliosæ, modo nigricantes cum subsidentiis depravatissimis: Sudores interdum valde fetent, alvi excrementa biliosa graviter olent, in univrsim quorundam excrementa omnia, lotia scilicet alvi dejectiones, sudores sputa anhelitus, propter insignem putredinem facti sunt odoris. Nam ut odor bonus coctionem denotat, ita fetidus putredinem quæ coctioni adversatur, teste *Theophr.* 6. de causis plantarum, cap 15. & 17. Est autem putredo secundum *Arist.* 4 Meteor. corruptio in unoquoque humido propriæ & naturalis caliditatis ab adventitio calore: nam ingenitus cuiusque rei calor, rem ipsam conservat, alienus corrumpit. Visis ita in univrsim putredinis causis, quæ
mo-

morbos procreare solent, quotiescunq; harum
 aliqua, vel omnes concurrerint, iis obviandum,
 mature erit: Nam sero medicina paratur. Cum
 mala per longas invaluerit moras. Aeris itaq;
 intemperies propria ignibus frequentioribus est
 emendanda, prout olim *Acron Agrigentius*, ac
Hipp. per urbem Athenientem fecisse feruntur:
 tum adventitia est amovenda quantum fieri
 potest, aquas stagnantes fluxiles reddendo, cada-
 vera mortua sepeliendo, vias, vicos, ac angu-
 portus, omni fæda colluvie purgando, vitiosa &
 impura alimenta vitando, tum aquam bonam eli-
 gendo; id est, quæ omni advena qualitate caret,
 sapore viz. odore, colore, quæ bibentibus jucunda,
 cujus facilis ex ventriculo, præcordiisque dis-
 cussus, cito incalescens, ac infrigesceus; omnia quæ
 per illam elixantur facile excoquens: nullo vene-
 rino, limosoque corpusculo commixta, sed quæ
 nitidissima & pellucida cernitur, æstate gelida
 hieme admodum tepida, pestilentia vero gras-
 sante, fenestræ domus ad Orientem & Septen-
 trionem pandantur, ad austrum vero, & occasum
 claudantur, cubiculum suffiatur ex thure, foliis
 iuri, aliisq; quorum suffitus aerem corrigit;
 tum minus aqua, tantillo aceto permixta laven-
 tur, spongiola aceto imbuta, quæ frequenter o-
 deretur, capsulæ includatur, ac mane prodituri,
 sument ex hoc elect. ad jugandis magnitudinem.

Bol. armen. aqua scabios. lotæ vnc. i. fior.

n. m. h

nymph. & bugloss. condit. vtriusque vnc. 11. corte. citri. & flor. ros. condit vtriusque vnc. 1. cinam. drach. femin. citri à cortic. purgati. margarit. corall. rubri. singulorum drag. 1. ambr. scrup. 11. Camph. scrup. 1. misceantur cum succo mali citrei aut punici.

Sed quia causæ externæ nisi concurrentibus internis morbos non gignunt: Aeris enim intemperies quantumvis valida, nisi corpus humoribus vitiosis repletum, putredini obnoxium reddatur, non inficit: proxima itaq; cura sit, causas omnes internas removere; quod ut fiat, sequentes canones erunt servandi.

1. Canon. Singulis annis corpus phlebotomia, & catharsi est vacuandum, primo vere habita ratione ætatis ac virium: Nam ob hiemis ingluviem, & frigoris antiperistasin corpus Caco-chimia laborans facile in morbos incidit.

2 Canon. Corpore rite ita purgato, ne nova mole (quod facile fit ob naturam debilitatam, quodammodo præcedentibus evacuationibus) opprimatur, languida ejus vis, omnis in quolibet excessus erit fugiendus..

3 Canon. Sit somnus septem ad summum horarum, nam hoc temporis spatium digestio absolvitur: diuturnior autem, varia corpori adferre incommoda, 1. excrementorum prohibet evacuationem: Nam sistit omnem fluxum, teste Hipp. præter fluxum sudoris, quia omnem tollit

motum obstructis meatibus, quibus spiritus animalis deferuntur ad membra movenda: hic autem per motum intelligere oportet motum animale seu voluntarium, non vero naturalem, qualis est cordis, & arteriarum, tum venarum, ac partium omnium naturalium, quæ vi caloris attrahunt, vi humiditatis digerunt, siccitatis vi retinent, & frigiditatis expellunt; neve motum mixtū, qualis pulmonum qui animalis est ratione organorum, musculorum scilicet thoracem distēdentium & contrahentium, naturalis vero, ratione causæ finalis & necessitatis. Quod de noctambulonibus objectant aliqui, intelligere oportet, ut iis respondeatur dormientis imaginationem esse validam admodum, quia repugnantem non habet, rationem ut videre est in ijs, qui lumbricos patiuntur, nam licet interdium ut noctu sentiant mordicantes non tamen masticant, & in iis qui Venereæ cogitationi intenti semen eiulant noctu, cum a validissima imaginatione interdium hoc non fiat. Eadem Noctambulonum ratio, imperat enim motum fortis eorum imaginatio, ac obsequuntur muscoli ob portionem aliquam spiritus animalis in iis latentem. Observandum est hæc fieri cum cerebrum profundo somno non tenetur, ac ita liberis internis sensoriis, externis adhuc præpeditis, prout in secundo somno frequentissime fit, in quo prædicta eveniunt. 2. Longior somnus corpora in-
crassat propter affixus copiam & effluxus inopi-

am. 3. Corpora quodammodo enervat, ac languida reddit ob defuetudinem non aliter quam tenebræ visum occæcant, prout in incarceratis diu tenebroso carcere dum ad lucem repentè ducuntur videre est. 4. Concentratus diu calor naturalis absumpto pabulo proprio agit in humidum naturale, ac depopulatur, inde corpora marcescunt.

4 Can. Amoto somno aliquam moram in lecto contrahite, donec spiritibus ad oculos patuerit aditus, remota omni obstructione: non enim tutum est tenellos statim aeri & lumini exponere, averfantur enim ob nervi optici impeditum meatum. 5 Canon.

Vbi surrexeritis corpus omnibus excrementis exonerate, caput sternutatoriis, & masticatoriis, ab omni pituita mundate, tum quos necotianæ desiderium tenet hoc tempore vtantur: est autem tobacco, temperie calida, sicca, pituitosis: itaque solum conveniens, Pirrocholis, & Melancholicis, quia exsiccat, nocens (nisi vbi caput a nimiis crapulis multa pituita repletum fuerit) Cælo humido, tum mane ante egressum & vesperi ante canam vtendus, non autem à cibo vt plurimi. 1. quia calorem a stomacho in corporis habitum avocat, vt ex erumpente sudore apparet, ac ita digestionem impedit, tum ob eandem rationem obstructions parit, corporis enim extrema calidiora facta, succum nondum concoctum per exiles venarum meatus ad se al-

alliciunt, unde in ipsis tubis hæret, caloris enim proprium est attrahere. 2. Pituitæ in stomachum procurat discentum, ac ita illum vel crudiorem, facit ab eisdem frigidityte, vel diarrhæam movet: non enim potest pituita ita accurate in os derivari, quin portio aliqua per patentem illos *Astophagi* ductus in stomachum illabatur. 3. Vomitus quibusdam frequenter ciet, dum orificium stomachi superius acutissimi ad modum sensus mordicat, sua acrimoniam, quod dicant aliqui sumptum a cana tabacco somnum procurare, ut his respondeatur: scire oportet quid somnus. Est itaque somnus primi sensorii quies, ad quem tria requiruntur, mens scilicet quæta (ita cura ob cordis solliciti motum calorem excitans, quo soporis materia dissipatur eum impedit) cerebrum temperatum, ita ut sit naturalis) nam veterinosos sopores hic non intelligo) tum dulcis anathymiasis, seu halitus cibi vaporosus, cerebrum leviter irrigans, & meatus spirituum obstruens. Somnus naturalis ab agente natura prodit, ad corporis utilitatem, cujus causa est anima, spiritus animales retrahens, eorum reparationem, & alimenti confectionem instituens. Præternaturalis vero, est qui noxam adfert, & à patiente natura fit, cujus causa est humor frigidus per cerebrum dissipatus, delationem inhibens. His præmissis respondetur non proprie somnum,

num, sed soporem, liquata vi caloris per cerebrum pituita, flatus quibusdam interdum movet, sed verendum est, ne flatus movendo, cibi fluctuationem, & interdum eiusdem vomitum procuret. Hæc obiter addidi ob herbarum huius frequentem abusum.

6. Canon.

Sacris peractis, ubi artifices & negotiantes ad sua munia se receperint, inertes & otiantes ad ludos, & exercitia se conferant, quæ balnearum antiquorum locum suppleant, ac ita ad ludos sudorem moventes, quibus habitus corporis serosis humoribus, vacuetur. In quibus exercitiis varia erunt observanda.

1. Sit animus liber ab omni cura & metu, nullo aut exiguo deposito præmio: secus nulla sequetur voluptas, & ita nulla recreatio.

2. Sit lusus ad sudorem tantum, vel paulo ultra, longior enim spiritus resolvendo corpus fatigat.

3. Premente siti sit potus cerevisia tenuis, ac pura, parca manu sumpta. Non aqua quia per patentem præ calore meatum, viam ad hepar affectans, illud infrigidabit, cuius infrigidationem, sequitur ut plurimum hydrops. Neque vinum, quia celeriter viarum anfractus permeans hepar iam incallescens, inflamabit.

4. Finitis exercitiis: cura sit in cubiculo calido linteolis calidis sudorem detergere. Nam reten-

tus sudor cutis spiracula occludens, febrem frequenter causat: tum pruritus, scabiei, pustulis, aliisq; intercutaneis morbis materiam præbet.

7. Canon.

Cibum ante potum mane sumite. Vacuo enim ventriculo sumptus potus nervorum principia attingens ipsos nervos debilitat, morbisq; frigidis (ut arthritidi & tremori) obnoxios facit. Hinc igitur patere potest, quantum noceat potus sine pane (mane præsertim) sumptus.

8. Canon.

Sub horam undecimam (antequam Sol in meridie vigorem exeruerit, corporaq; lassæ reddiderit) postulante appetitu, mensæ accumbite, vno sive altero ferculo contenti. Eduliorum varietatem corpori valde nocivam fugite.

1. Quia multa varietas miscet eucepta dyspeptis molliā duris. Quam varietatem sequitur putredo. Nam multa mixtio multæ putredinis causa est, prout simplicitas putredini adversatur.

Hinc elementa, metallaque eo quod simplicia, vel eo proxime accedunt, quodammodo immortalia sunt, cum semen & lac extremam elaborationem consequuta, vel aeris contactu videntur: & quanto fuerint delicatiora, eo pejora, nam optima quæque in pessima transmutantur.

2 Varietas magna ingluviem scædam excitat. Intemperiem enim ventriculi a copia cibi cuiusvis contractam, sequens adversa qualitas emendat

mendet, in qua emendatione suavitas omnis continetur, a suavitate fames renovatur. Itaq; post carniū pinguiū vsum, quem sequitur ventriculi laxitas nausæve, veteris casei exsiccatio oblectat. Post pisciū lentorem, incidentia mel & nuces. Post salis exsiccationem, diluti vini potus.

His adde quod excessus omnium fere saporum, pungendo stimulat ventriculum, excitatque appetitum: ita vno alimento assuetus ventriculus jam non irritatur, accedens autem saporis novitas sopitam appetentiam exsulcit.

Distribuantur alimenta in semina, fructus, olera, radices, pisces, & aves. Inter quæ semina abundant melancholia, ob copiam terræ: & fere etiam flatu, ob paucam coctionem, quia ex elementis immediate prodierunt (debilis autem coctio flatus multiplicat ut piena dissipat) sola fere frumentacea ob multam sub terra moram ut tempore flatulentiam amittant, incolumia sunt. Fructus ultra coctionem paucam abundant aqueo humore, & magis præcoces: ob paucam sub sole moram. Incolumiores sunt arborescentes ob moram diuturniorem, ut ficus & uvæ.

Olera videntur tanto fructibus deteriora, quanto natura minorem habet curam foliorum quam fructuum.

Radices quia non perflatur nec exsiccatur, hu-

inore multo pollent.

Quadrupedes ob exercitii paucitatem excrementitia humiditate circumfluunt.

Pisces & aves omnium maxime cocta sunt, coquod per multas intermedias coctiones ex elementis evaserunt optimum alimentum homini mixtorum ultimo.

Aves enim ob temperamenti siccitatem, & coctionis probitatem, etiam feminae subventanea ponunt ova, licet vitalia non sine mare.

Inter aves, optima est caro pullorum, perdicum, caponum, & gallinarum, aviumque campestrium.

Aves enim pallustres, ut anseres, annates, ob impurum victum, & terrestrem, tardae sunt digestionis, & mali succi: tum etiam ob frequentem in aquis conversationem humiditate multa superflua circumfluunt.

Pisces praesertim sexatiles plurimum nutriunt, modo corpus non sit immundum secundum vasam, nec misceantur alimentis tarde coctilibus.

Hinc Monachi Carthusiani perpetuo piscibus utentes, nec carnem interponentes sanae admodum, & pingues sunt. Hinc igitur patet quam futilis eorum opinio sit, qui pisces annumerandos cibariis humano generi aptis non censent: Quandoquidem ipse CHRISTUS convivium illud miraculosum in deserto ex piscibus confecerit.

Eadem

Eadem in lactis usu norma est servanda. Lact enim in corpore mundo, & ubi non admiscetur alia cibaria plurimum nutrit, prout in infantibus lacte solo utentibus videre est: Cum vero tarde coctilibus alimentis permiscetur, (quia ipsum est facilis digestionis) corrumpitur.

Hinc igitur patet quantum noceat usus lactis (ut ita dicam) aromatizati, inter epulas secunda mensa sumpti. Nam eo putrescente commixta alia alimenta etiam putrescunt.

Inter quadrupedum carnes optima hœdina, vitulina, agnina: caro vero bubula salita, & porcina, tum etiam leporina, cervina impurum & melancholicum succum generat, alias carnes tanquam minus usitatae prætereo.

Carnes natura duræ per hiemem 12 horas servandæ, per æstatem septem, alioque recentes edendæ.

Inter olera usitatiora, præstantiora sunt hæc oxalis, spinatia, burrago: Brassica nimis apud nos usitata malum succum ac nitrosum generat, stomachoque ac visui nocet.

Herbæ potiores sunt lactuca, portulaca, fœniculum, salvia, mentha, pimpinella, petroselinum quæ apud nos in frequentiori sunt usu. Porrorum & ceparum frequentem usum tanquam nocivum tum capiti & oculis, tum stomacho & osculis improbo.

Fructuum optimi sunt resinæ, passulæ dulces

ces; & ex his damascenæ, & Corinthæ. Tumor ficus præsertim aridi & sicci, maturique, sed nimius eorum usus pediculos generat.

Pomorum alia aspera quæ profunt cum stomachus debilitatur calore, aut humore. Alia acra, quæ juvant incidendo ubi humorum crassorum in stomacho est collectio. Poma viridia mala, quia difficilis digestionis, ac tardæ distributionis, malique nutrimenti sunt.

Pira ob adstrictionem stomacho profunt, desiccant, paulumque nutriunt.

Citri cutis externa calida est, jus vero refrigerat, & exsiccant, caro vero nec acris nec dulcis, sed mediæ qualitatis est. Granum autem est amarum, calidum, siccativum, ac ita venenis resistit. Limones ejusdem facultatis cum citro sunt.

Cappares sunt subtilium partium, & pauci nutrimenti, a sale purificati prima mensa cum oleo & aceto sumpti opilationes aperiunt.

Olivæ virides bonæ, stomachum enim roborant: maturæ nocent.

Nuces seu juglandes siccæ, (quales ad nos deferuntur) capiti nocent, bilem generant, & mali digeruntur.

Castanæ magis nutriunt, sed difficilius digeruntur.

Cerasa cito putrescunt, & mali succi sunt.

Fructus hic tam exoticos, quam nostrates
vsi-

visitationes tantum commemoravi, eorumque qualitates cognitu necessarias.

Inter semina optimum est hordeum mundatum, nana & nutrit, & sanguinem purum gignit. Huic triticum bonitate succedit. Oriza mediocriter nutrit cum adstrictione quadam.

Avenæ major apud nos usus, quam ejus bonitas postulat. Pîsa ac fabæ flatulentum succum & vitiosum generat, præsertim vero ex his viridia. Omnia pastilia quia tardæ digestionis, omnia falsa, quia vitiosi humoris, omnia frixa quia putredinis (ut ex virolento ructu ab eorum nimio usu patet) & omnia piperata (præsertim secunda mensa sumpta) causæ existunt, vitanda.

Sit panis ex tritico crassæ substantiæ ac firmæ, flavæ coloris, ac boni odoris, in loco bene a pluviis munito aliquamdiu servato.

Sit potus, cervisia tenuis, ac pura, parca manu sumpta, ut discendat, misceaturque; cibus, non ut innatet aut fluctuet. Eadem regulæ in usu zythi erunt servandæ.

Qui autem crudior est stomacho, ac vino assueti, utantur vino rubro aliquantulum lymphato, quod austeritate orificium stomachi constringat, ac ita concoctionem juvet: eius vero frequentior sit usus hyeme quam æstate, & post piscium quam carnum esum.

Præterea qui debilius sunt stomachi ad flatum dissipandos & coctionem juvandam, utantur pul-

vere sequenti ex cochleari paulo ante cibum, & post, cum a cibo sumitur, nihil desuper bibatur.

R. semin. anisi fenic. & coriand. singulorum dra. iii. pulver. margarit. preparat. rasura cornu cervi, macis cynam. pulver. pieris arcont: & pulver. electuar. aromat. rosat. singul. dra. i: cortic. citri ficci pulverizat: dra. i. sacchar. albi pulveriz: ad pondas omnium misce fiat pulv. de quo capiat cocteat, vnum aut duo post singulos paltas nihil desuper edendo aut bibendo.

Hoc utantur pulvere loco aquarum fortium, nimium usitatarum: Aqua enim fortis, prout etiam vinum album a cibo sumpta nocent, nam celeriter præ tenuitate, vi, ac calore per cibum ingestam ac tenues mesaraicarum venarum meatus permeant, secumq; chylum non satis misticatum deducunt, quo exiles venarum tubos infarciunt. Præterea liquores hi jecur calidius reddant. Quocirca perperam faciunt, qui hisce ad stomachum infrigidatum utantur, Nam nec stomachum calefaciunt, quia cito præterlabuntur (præ tenuitate) & tamen jecur calidius reddant; quo incalescente stomachus infrigidatur: Ita ut plurimum si mutuo consequantur stomachus frigidus & hepar calidum. Hepar enim calidius præ siccitate & calore carnem illam adiposam, epiploon scilicet absorbit quo nudatus ventriculus (cum fundo innatet instar tegumenti) infrigidatur.

Itaq; omi iibus suaderem qui intemperie frigidi ventri-

ventriculi laborant, vt loco prædictorum liquo-
rum uterentur pipere crasse pulverizato cuius
grana integra devorarent. Piper enim ita pul-
verizatum suas vires in stomacho exerit, (nam
calor eius in superficie situs est) quo incalescit
stomachus hepate illaso.

9. Canon.

Cum appetitu a mensa recedite, nusquam enim
ad satietatem edere licet, sed tantum vt satisfiat
appetitui naturali.

Est enim appetitus triplex, vitiosus, naturalis
& voluptuosus.

Vitiosus fit a vitioso humore orificio stomachi
adhærente, illudque corrugante, vnde appetitus
nimius exoritur.

Fit aliquando ab immodico & importuno me-
lancholix in stomachum è liene refluxu. Nam
lien succo melancholico repletus evomit por-
tionem aliquam ejusdem in stomachum: à quo
succo corrugatus ventriculus excitatur fames.

Cum autem immoderate aut inopportune flux-
erit, vt non nunquam statim à cibo, vel paulo
post fit, renouatur fames. Hinc fit quod non-
nulli itinerantes herbis innocuis (vt illi vocant
famelicis) vitio vertant.

Excitatur aliquando ille appetitus ab aqre vi-
su nimio: aqua vorax, vigiliaque, vt ait Hipp.
Aliquando à longa per nives iteratione, vt ex-
ercitibus quibusdam accidisse satis constat.

Appeti-

Appetitus naturalis est qui fit à lancinatione orificiū superioris stomachi, aut venæ coronariæ in co, à venis corporis exinanitis.

Appetitus voluptuosus fit ex recordatione antea tacti saporis palatum pungentis, ac voluptatem moventis. Juxta appetitum naturalem temperato quantum appetit offerendum, frigido minus calido plus, quia calor omnis relaxat ventriculum, ac ita appetitum tollit: hinc est quod obtusus biliosorum ac calidorum appetitus non tantum expostulet, quantum requiritur alimenti, ad caloris acrimoniam obtundendam ne humillum radicale depopuletur: Ideo plus illis offeratur, quam appetunt.

Pituitosi autem plus appetunt a pituitæ frigidityte quam præ caloris imbecillitate conficere valent:

IO Can.

A prandio per horas aliquot gratis collatio-
vius indulgete, ab omnique cura graviore sol-
itis meditationibus, aut labore intentiore ab-
stine, tum a studiis quæ meditationem altio-
rem requirunt. Hisce enim omnibus avocatur
calor a stomacho ad cerebrum seu corporis ha-
bitum: unde sequitur cruditas & cruditatem ca-
vexia totius corporis. Hinc etiam est quod stu-
diosorum capita a cruditate ventriculi, ut plu-
rimam sunt infirma, quia vaporibus frigidis e
ventriculo sublatis, replentur, & frigido succo
aluntur,

aluntur, quo fit quod frigidis catarris obnoxia reddantur. Renovati labores artificii statim a cibo graves obstructions pariunt, in mesenterio ac hepate.

II Can.

Somnum & computationes pomeridianas fuge, somnum, quia caput vaporibus replet; quæ ob temporis brevitatem non licet naturæ discedere. Huic enim operi secundo somno intentata est, tum etiam reparationi spirituum animalium. Hoc in ipsis videre licet, qui antequam perfectam dormiendi metam attigerint, excitantur, qui tum præ capitis gravitate, tum virium imbecillitate minus agiles evadunt Post, quam ante somnum. A capitis repletionem sequuntur defluxus in varias corporis partes, præsertim ferinæ illæ distillationes in pulmones, a quibus (ut alios præteream morbos) tam frequenter tantus tussientium strepitus passim exauditur.

Computationem autem quia cibi ingesti concoctionem impedit, & subsequens appetentiam tollit: Hinc nusquam perfecta digestio, ita cruditatibus totum corpus circumfluit: Nam cum coctio sit victoria naturæ supra humidum quod secundum plurimum sui alit: Cruditas autem a defectu caloris in ordine ad humidum permittendum fiat, cum scilicet humidum debitum terminum non acquirit, sed flatulentum manet: dum natura, vel nova ingestione præpeditur.

vel

vel graviore mole opprimitur, victoriam obtinere nequit. Vitiata coctione nulla sequitur nutritio: nam nutritio est alimenti cocti mutatio in membrum: membra autem vitiosum succum aut proleſtare, aut in ſui naturam vertere nequiunt. Hinc membra contabefcentia videbis tumentibus ſanguine venis, Hoc innuit divus Ienex, dum ait, qui ventres habent calidos, carnes habent frigidas. Ventriculus enim exaſtuans, chylum gignit nidorulentum, & ſemi putrem, ex prava chyloſi non fit laudabilis hæmatofis, impurum ſanguinem carnes non trahunt, ita ſuo genio, & vivifico neſtare deſtrata, refrigerantur; quia tantum habemus caloris, quantum ſanguinis. Vitiata prima coctione, ſequitur & aliarum vitium: non enim corripit defectum præcedentis, ſubſequens coctio; imo potius inquinatur a præcedente: hoc innuit Hipp. his verbis, Quo plus corpora impura accipiuntur, plus læduntur.

12. Canon.

Sub horam ſextam renoventur dapæ urgente appetitu vt prius.

Conſtet cœna aſſis potius quam elixis, quia aſſa potentius alunt elixis, propterea quod nil remittunt per concoctionem alentis ſucci tum leviſſima ſunt quia humore excrementitio minus abundant. Adde quod concocta faciliſſima eo quod paſſiva in illis elementa impeſſus mixta ſint, ideoque dige-

digestioni nocturnæ magis apta.

Sed quæri potest cum calor naturalis noctu concentretur ac uniatur, ab vnione major eius vis qui fit quod nocturna digestio non adeo dura imo difficiliora concoctu diurna, requirat. Respondetur ad concoctionem satis esse caloris viam unitam, non vero ad digestionem. Nam digestio requirit cibi discentum in fundum ventriculi aliaq; loca coctioni dicata, qui disensus motu procuratur. Adde quod motus & exercitatio trium substantiarum æreæ scilicet humidæ & solidæ dissipationem caular quæ dissipatio requiritur ad celerem digestionem. partes solidæ famelicæ succum e venis capillaribus prolestant: venæ capillares exinanitæ e venis maioribus alliciunt, venæ maiores ab hepate hepatis per venam portam tanquam manum ex ventriculo & intestinis. Hac serie exsuctionis vacuatur ventriculus ac mole cibi gravante liberatur, tum appetitus renovatur. Hoc apparet in animalculis quibusdam totam hyemem dormientibus, ideo quiescentibus vt glires: hoc enim animantium genus omni motu & exercitio privatum nullam dissipationem trium substantiarum patitur, nulla egent idcirco reparatione, atque ita nullum alimentum requirunt: exiguus autem eorum calor, pituita prius congesta, pro alimento utitur.

13. Canon.

Ad accelerandâ itaq; digestionem a cœna leviter inambulate, vel domi, vel per amœna loca a tetriscloaca-

cloacarum eructationibus, aut sœdis aquarum stagnantium exhalationibus libera. Incessum celeriores aut exercitia vlla fugite, tum commestationes nocturnas: quæ præter morborum numerum innumerum quibus corpus afficiunt crapulæ (quales Vertigo, Apoplexia, Epilepsia, Lethargia, Caros, Catalepsis, Paralysis, variique alii ab inordinatis potationibus oriundi) corporis temperiem mutando, facultatum animæ vires obtundunt. Licet anima ex se sit immaterialis, impatibilis, neque ex potentia subjecti educatur, sed nihil perficiat: resque incorporeas ab omni materia se junctas, sese super omnes formas naturales erigens mirifica prorsusque libera & cogi necesse vi complectatur: & licet non sit pars cerebri, quia tamen rerum idola in cerebro contemplatur, non vitiato, delirat, quemadmodum oculus solus in contemplans in quiescente aqua, vel integro speculo non fallitur: eundem vero in mota aqua vel fracto speculo considerans, hallucinatur.

Invenitur odio irreconciliabili dignum, inextinguibile hoc potandi desiderium, quod hominem, tum corporis viribus, tum animæ facultatibus denudet. Hominem inquam! cui cœlestes in esse signiculos, seminaque divinitatis, cum faciei impressa majestas, tum corporis totius figura erecta, & in Cœlum versa testantur. Hominem animal adorandum, & admirandum, a sapientissimis Aegyptiorum sacerdotibus vocatum. *Nam*

a Mercurio trimegisto miraculum magnum, ac animal Deo simillimum, Deorumque interpretem appellatum. A Pythagora μετρεσ απατων, a Platone θαυμα θαυματων, a Synesio orizontem corporeorum & incorporeorum; & ab omnibus vno consensu μικροκοσμος nuncupatum. Barbarus ille *Abdolas*, interrogatus aliquando, quid maxime in rerum natura putaret admirabile: non barbare sed scienter respondisse fertur, hominem, vnum esse qui admirationem omnem superet.

Theologi hominem, omnem creaturam vocant, quod sit potestate omnia, non secundum materiam, vt volebat *Empedocles*, sed ασαλογας per specierum receptionem.

Præter prædicta incommoda proliferationi (cui tantum student homines, vt aternitatem quodammodo consequantur) bibacitas nocet, cruditate seminis. Sequitur enim semen naturam & temperiem sanguinis: hoc clarius elucescit, cognita seminis materia. Est itaq; seminis materia duplex, residuum alimenti ultimi, & spiritus. Residuum illud sanguis est non in solidis partibus alteratus, & dealbatus, (vt putarunt veteres) sed ruber, purus, & sincerus, a trunco venæ cavæ, per spermaticas venas, ad præparantia vasa, & testes delatus. Propterea iis qui supra modum rei Venereæ indulgent, cruentum prodit semen, idcirco veteres cognato appellabant consanguineos: Est altera seminis
mate

materia, quæ facit ut fecunda sint semina, spiritus scilicet per univcrsum corpus oberrantes, qui singularum partium ipsissimam idæam *divinam* continentcs, per arterias spermaticas ad vasa labyrinthica, epididymida & testes feruntur ibi, cum sanguine exquisitc miscntur; Hinc colligi potest semen crudum a sanguine crudo. produci, quancloquidcm ut ex præcedentibus patet præcedentis coctionis vitium subsequens non emendat.

14. Canon.

Sub horam decimam ubi ventriculus graviore mole levatus fuerit, cubitum ite.

In introitu lecti in dextrum latus inclinate, ne refluat cibus, sed in ventriculi fundo digestionis sedc maneat: situm enim in dextero latere est ejus fundum, prout vergit versus sinistrum eius orificium superius.

Sit caput declive, membris aliis depressis.

Sit lectus plumaceus hyeme, æstate vero stramineus, præsertim illis qui cruciantur dolore renum, ad renes refrigerandos.

15. Canon.

Finito primo somno, in sinistram latus vos vertite: ut fiat vaporum exhalatio per Æsophagi angustias. qui post primam concoctionem in stomacho stabulabantur.

16. Canon.

Sub finem hujus somni, æstro libidinis perciti,

inamplexus Venereos ruite.

Est enim hoc tempus coitui maxime idoneum, tum quia semen ex reliquiis ultimi alimenti; finita tertia concoctione est elaboratum, cum quia vacuo ventriculo sit, nam pleno ventriculo ciborum agitatione concoctionem impedit, & membrorum motu, & calore, obstruit. hoc tempore se-
wen esse elaboratum docent sædæ somniantium illusiones, quæ proveniunt a calida reflexione, aut exhalatione prolifici seminis cerebrum feriente ac idola speciosa imaginationi obiectante tumentibus nimirum spermate parastatis: hinc est quod rustici in introitu lecti fatigati somnum capescen-
tes & debitam coitus horam morantes, pueros robustos, & puellas viragines gignāt: cum quāplurimi nobiles, & cives propemodum omnes vino & aromaticis incalescentes, quamprimum crexerit aures Pamphilus, Priapi hastam vibrantes, victoriæ spe prætumidi, certamen ineunt, tum effatis viribus, aut nullum aut crudum ejaculant semen, hinc nulla procreatio, aut si fuerit vlla, debiles & languidi sunt partus.

Prædictis Canonibus quædam observatu digna sunt annectenda.

I. Obser.

Hieme cibo magis indulgere licet quam æstate, ut ait *Hipp.* frequentius tamen æstate ob magnam dissolutionem, sed parcius ob caloris debilitatem. Rationem reddit alibi idem author,

C

præ-

prædicti dogmatis, quia inquit, insignes vacuitates sunt calidiores; ubi intelligere oportet calorem per antiperistasin hieme augeri secundum quantitatem, non vero secundum qualitatem: ita hiems pituitæ est feracissima; æstate autem diminuitur quantitas aucta qualitate; ita æstas bile abundat, verum calor plus remittit hieme de qualitate, quam assumit de quantitate ita convalescentes, & senes hieme non roborantur.

2. Obser.

Sapius cibandi pueri, & adolescentes, senibus, & mediæ ætatis hominibus.

Pueri, ac juvenes sæpe cibandi, quia dissipabile eorum corpus ob vim calidi innati qua circumfluunt, tum materiæ subtilitate, meatuum libertate, ac naturæ ratione, sunt enim pictholi. Pueri sunt calidiores adolescentibus ratione substantiæ, quia multo pollent humido radicali, quo obunditur caloris vis: humidis igitur, ac facile coctilibus sunt alendi, nam calida nimium & dura ob caloris vim, sopitam digerere nequiunt; Omnia itaque aromatica pastilia salsa, omnesque liquores calidi natura, iis nocent. Juvenes calidiores sunt pueris, quod *ai ægyptius*: absumpto enim proprio pabulo, sensim vires exerit calor, non aliter quam lumen in lucerna clarius resplendet oleo decrescere aut diminuto, quam ubi undique ab eo circumsepitur. Juvenibus humida prosunt, quia acri

acrimoniam caloris obtundunt, ac humidi radicalis depopulationem impediunt, Calida autem nocent, quia tum exsiccant, cum etiam calorem naturalem in igneum aliquando vertunt; quod apparet ex facili eorum in morbos calidos lapsu, ut in febres.

Homines mediæ ætatis ob obtusam in iis caloris vim, & ad temperiem redactam, famem facile ferunt. Qui ætate media sunt omnium maxime temperati censendi: nam infantes, & pueri ob multam humidi primigenii copiam qua circumfluunt, ad humidam temperiem declinant.

Adolescentes vero ob caloris ~~exuperantiam~~ pabulo depaſto calidiores sunt. Senes ob copiam pituitæ a debili calore procreatæ sunt temperie frigida humida. Qui in declinante statu sunt homines, marcescente in iis calore præ inopia humidi, prius ab eo depaſti, sunt temperie frigida sicca. Omnium igitur temperatissimi, ob moderationem primarum qualitatum; temperatis ita erunt alendi. Senes ob caloris debilitatem, & pituitæ copiam (qua utitur pro alimento exili) eorum calor) facillime omnium sine ullo incommodo inedia patiuntur. Ob frigiditatem & humiditatem calidis siccis, ut aromaticis, & liquoribus fortioribus iuvantur: hinc est quod vinum læſenum dicatur. Alii vero, iis, (quia exsiccant) læduntur: licet pro tempore agiliore acutiores ab eorum usu evadere videantur.

rum

rum hic non aliter fit quam in arbore, cujus radici apposita calx fructiferam aliquamdiu reddidit, præ siccitate brevi infrugifera evasuram.

Paucis perstrinxi quæ ad sanitatem servandam, & morbos propulsandos, conferre videbantur, ne lectorem nimia prolixitate ab ejus lectione deterrerem: omnium enim in ore & manibus esse optarem, omnibusque in praxin redigere suaderem. Brevitati studens, multa perfunctorie attingi, præsertim in cibariorum enumeranda varietate, eorumque qualitatibus designandis. Initias hæc nostri laboris, patriæ devotæ, benigno accipe vultu Lector benevole, sinuque fove tenellum hunc, & prope vrsinum fœtum, a viperinis maleficatorum hominum morsibus, & vulturinis unguibus tuere. Et ubi Deus dederit, plura & elaboratiora in usum publicum dabuntur. Huic vni trino Deo, Regi regum potentissimo, Domino Dominorum clementissimo, omniumque patri benignissimo, Pax, honor, imperium in sæcula sæculorum,

AMEN.

FINIS.



